

**Oqaluuserisassat pillugit nassuiaat.**

(Inatsisartut Siulittaasoqarfiat)

Naalakkersuisut qinnuteqarput immikkoortut sisamat aappassaaneerneqarnissaasa kinguartinneqarnissaannik. Taamatut qinnuteqarnermut Inuussutissarsiornermut Naalakkersuisup angalanissaa pissutaavoq.

Tamatumani pineqarput:

Imm. 18: Aatsitassarsiornermi ingerlatassanilu annertuuni suliffeqarfiit namminersortut sulisussanik avataaneersunik atuisinnaanermut atatillugu akissarsianut sulinermilu atugarisanut atuuttussat pillugit pisortat akuersissuteqaraangamik sutigut tamatigut sulinermit immikkut piumasaqaatit ILO-mi isumaqatigiissummi 941-imi, pingaarnerusumillu art. 2-mi allassimasut, qulakkeersimasarnissaannik Naalakkersuisut peqquneqarnissaannik Inatsisartut aalajangiiffigisassaattut siunnersuut,

Imm. 19: Nunarput isumaqatigiissummut ilaatinneqariinngippat ILO-mi isumaqatigiisuttip 94 1-ip akuerineqarnissaa siunertaralugu naalagaaffimmut saaffiginninnissamut Naalakkersuisut peqquneqarnissaannik Inatsisartut aalajangiiffigisassaattut siunnersuut,

Imm. 52: Kalaallit Nunaata Aatsitassarsiornermi Aningaasaateqarfia pillugu Inatsisartut inatsissaat nr. 6, 5. december 2008-meersup allanngortinneqarnissaa pillugu Inatsisartut inatsissaat nr. xx.xx xx 2012-mut siunnersuut, kiisalu

Imm. 157: Kalaallit Nunanni aatsitassap piarneqarsinnaatitaasup suulluunniit uran-imik akuata 0,1 % -mut qaffasinnerpaaffilerneqarnissaa piarnerpaamik sulissutigeqqullugu Naalakkersuisut peqquneqarnissaannik Inatsisartut aalajangiiffigisassaattut siunnersuut.

Imm. 18 19-ilu siunnersuutigineqarpoq ulloq 15. November aappassaaneerneqassasut.

Imm. 52 siunnersuutigineqarpoq ulloq 15. november aappassaaneerneqassasoq 21. november pingajussaaneerneqarluni.

Imm. 157 siunnersuutigineqarpoq ulloq 21. november aappassaaneerneqassasoq.

Ullumi ataatsimiinnermi Inatsisartunut ilaasortat Akitsinnguaq Olsen, Siumut aamma Kuupik V. Kleist, Inuit Ataqtigiit kiisalu Doris Jakobsen, Siumut aamma Juliane Henningsen, Inuit Ataqtigiit taasisarnerit pillugit isumaqatigiisuteqarput.